


尚列仙傳

上下

内閣文庫

内閣文庫	
番號	漢 3375
冊數	1 (1)
函號	311 256

311-256





列仙傳目錄

上卷

淺草文庫

赤松子 竈封子 馬師皇 赤將子與 黃帝

僊佐 容成公 方回 老子 關令

涓子 呂尚 嘯父 師門 穆光

仇生 彭祖 邛疏 介子推 馬丹

平常生 陸通 葛由 江妃二女 范蠡

琴高 寇先 王子喬 幼伯子 安期生

桂父 瑕丘仲 酒客 任光 蕭史

祝雞翁 朱仲 脩羊公 稷丘君 崔文子

下卷

赤須子 東方朔 鈎翼夫人 犢子 騎龍鳴

主柱 園客 鹿皮公 昌客 雞父

山圖 谷春 陰主 毛女 子英

服闋 文賓 商立子胥 子生 陶安公

赤翁 呼子先 眉局先生 朱璜 黃阮丘

女丸 陵陽子明邦子 木羽 玄俗

列仙傳目錄終

列仙傳卷上

漢光祿大夫劉向撰

赤松子

教

赤松子者神農時雨師也服水玉以教神農能入火自燒往往至崑崙山上常止西王母石室中隨風雨上下炎帝少女追之亦得仙俟去至高辛時復為雨師今之雨師本是焉

眇々赤松 飄々少女 接手翻飛 冷然雙舉

縱身長風 俄翼玄圃 妙達巽坂 作軌司雨

竈封子

竈封子者黃帝時人也世傳為黃帝陶正有人過之

為其掌火能出五色煙久則以教封子封子積火自
燒而隨煙氣上下視其灰燼猶有其骨時人共葬於
竈北山中故謂之竈封子焉

奇矣封子 妙稟自然 鑠質洪鑪 暢氣五煙

遺骨灰燼 寄墳竈山 人覩其跡 惡識其玄

馬師皇

馬師皇者黃帝時馬醫也知馬形生死之診治之輒
愈後有竜下向之垂耳張口皇曰此竜有病知我能
治乃鍼其唇下口中以甘草湯飲之而愈後數數有
疾龍出其波告而求治之一且竜負皇而去

師皇典馬 厩無殘馵 精感群竜 術兼殊類

靈虬報德 弭鱗御轡 振躍天漢 聚有遺蔚

赤將子與

赤將子與者黃帝時人不食五穀而噉百草花至堯
帝時為木工能隨風雨上下時於市中賣微亦謂
之微父公

蒸民粒食 孰享遐祚 子與拔俗 餐葩飲露

託身風雨 遙然矯步 雲中可遊 性命可度

黃帝

黃帝者號曰軒轅能効百神朝而使之弱而能言聖

而預知物之紀自以為雲師有龍形自擇元日與群
臣辭至於卒還葬橋山山崩柩空無尸唯劍寫焉仙
書云黃帝採首山之銅鑄鼎於荆山之下鼎成有龍
垂胡鬣下迎帝乃昇天群臣百僚悉持龍鬣從帝而
外攀帝弓乃龍鬣拔而弓墜臣群不得從仰望帝而
悲號故後世以其處為鼎湖名其弓為烏號焉
神聖淵玄 邈哉帝皇 斲荏萬物 冠名百王
化周六合 數通無方 假葬橋山 超升昊蒼
倭倭者槐山採藥父也好食松實形體生毛長數寸

倭倭

兩目更方能飛行逐走馬以松子遺堯不暇服也
松者簡松也時人受服者皆至二三百歲焉

倭倭餌松

體逸眸方

足躡鸞鳳

走超騰驤

遺贈堯門

貽此神方

盡性可辭

中智宜將

容成公

神道

容成公者自稱黃帝師見於周穆王能善補導之事
取精於玄牝其要谷神不死守生養氣者也髮白更
黑齒落更生事與老子同亦云老子師也

暨今容成

專氣致柔

得一在昔

含光獨游

道貫黃庭

伯陽仰瞻

玄牝之門

庶幾可求

方回

方回者堯時隱人也堯聘以為閭士練食雲母亦與民人有病者隱於五柞山中夏啓未為官士為人所劫閉之室中從求道回化而得去更以方回掩封其戶時人言得回一丸泥塗門戶終不可開

方回頤生

隱身五柞

咀嚼雲英

棲心泉漠

却閉幽室

重閉自廓

印改掩封

終焉不落

老子

老子姓李名耳字伯陽陳人也生於殷時為周柱下史好養精氣貴接而不施轉為守藏史積八十餘年

史記云二百餘年時稱為隱君子謚曰聃仲尼至周見老子知其聖人乃師之後周德衰乃乘青牛車去入大蔡過西關令尹喜待而迎之知真人也乃強使著書作道德上下經二卷

老子無為

而無不為

道一生死

跡入靈奇

塞兌內鏡

冥神絕涯

德合元氣

壽同兩儀

關令尹

關令尹喜者周大夫也善內學常服精華隱德脩行時人莫知老子西遊喜先見其氣知有真人當過物色而遮之果得老子老子亦知其奇為著書授之後

與老子俱遊流沙化胡服宦勝實莫知其所終尹喜亦自著書九篇號曰閔令尹

尹喜抱關 舍德為務 挹漱日華 仰玩玄度 俟氣真人 介焉獨悟 俟濟流沙 同啟妙趣

涓子

涓子者齊人也好餌木接食其精至三百年乃見於齊著天人經四十八篇後釣於荷澤得鯉魚腹中有符隱於宥山能致風雨受伯陽九仙法淮南山安少得其文不能解其旨也其琴心三篇有條理焉

涓老餌木 享茲遐紀 九仙既傳 三才乃理

赤鯉投符 風雲是使 拊琴幽巖 高棲遐峙

呂尚

呂尚者冀州人也生而內智預見存亡避紂之亂隱於遼東四十年西適周匿於南山釣於磻溪三年不獲魚比閔皆曰可已矣尚曰非爾所及也已而果得兵鈐於魚腹中文王夢得聖人聞尚逐戴而啟至武王代紂尚作陰謀百餘篇服澤芝地髓且二百年而告云有難而不葬後子伋葬之無尸唯有玉鈐六篇在棺中云

呂尚隱釣 瑞得頰鱗 通夢西伯 同乘入臣

沉謀籍世 芝體鍊身 遠代所稱 義哉天人

嘯父

嘯父者冀州人也少在西周市上補履數十年人不知也後奇其不老好事者造求其術不能得也嘯梁母得其作大法臨上三亮上與梁母別列數十火而昇西邑多奉祝之

嘯父駐形 年衰不邁 梁世遇之 歷虛啓會

丹火翼輝 紫烟成蓋 眇企昇雲 抑絕華蔡

師門

師門者嘯父弟子也亦能使火食桃李葩為夏孔甲

龍師孔甲不能順其意殺而埋之外野一旦風雨迎

之說則山木皆焚孔甲祠而禱之還而道死

師門使火 赫炎其勢 乃豸虬竜 潛靈隱惠

夏王扈之 神存質斃 風雨既降 肅不_レ高逝

務光

務光者夏時人也耳長七寸好琴服蒲韭根殷湯將伐紂因光而謀光曰非吾事也湯曰孰可曰吾不知也湯曰伊尹何如曰強力忍詬吾不知其地湯既克桀以天下讓於光曰智者謀之武者逐之仁者居之古之道也吾子胡不遂之請相吾子光辭曰廢上非

義也殺人非仁也人犯其難我享其利非廉也吾聞
非義不受其祿無道之世不踐其位况於尊我今不
忍父見也遂負石自沉于蓼水已而自匿後四百餘
歲至武丁時復見武丁欲以為相不從武丁以興迎
而從逼不以禮遂投浮梁山後遊尚父山

務光自仁

服食養真

冥遊方外

獨步常內

武丁雖高

讓位不臣

負石自沉

虛無其身

仇生

仇生者不知何所人也當殷湯時為木正三十餘年
而更壯皆知其奇人也咸共師奉之常食松脂在尸

鄉北山上自作石室至周武王幸其室而祀之

異哉仇主

靡究其向

治身事君

老而更壯

灼々容顏

怡々德量

武王祠之

北山之上

彭祖

彭祖者殷大夫也姓篋名鏗帝顓頊之孫陸終氏之
中子歷夏至殷未八百餘歲常食桂芝善導引行氣
歷陽有彭祖仙室前世禱請風雨莫不輒應常有兩
虎在祠左右祠訖地即有虎跡云後昇仙而去

遐哉碩仙

時惟彭祖

道與化新

綿々歷古

隱倫玄室

靈著風雨

二度嘯時

莫我猜侮

邱疏

邱疏者周封史也能行氣練形煮石髓而服之謂之
石鐘乳至數百年往來入太室山中有卧石床枕焉
八珍促壽 五石延生 邱疏得之 鍊髓餌精
人以百年 我亭千齡 寢息中嶽 遊步仙庭

介子推

介子推者姓王名光晉人也隱而無名悅趙成子與
遊且有黃萑在門上晉公子重耳異之與出居外十
餘年勞苦不辭及還介山伯子常晨來呼推曰可去
矣推辭毋入山中從伯子常遊後文公遺數千人以

王帛札之不出後三十年具東海邊為王俗賣扇後
數十年莫知所在

王光沉黙

亭年遐久

出翼霸君

處契玄友

推祿讓勤

何求何取

遯影介山

浪跡海右

馬丹

馬丹者晉耿之人也當文侯時為大夫至猷公時復
為幕府正猷公滅耿殺恭太子丹乃去至趙宣子時
乘安車入晉都諸侯大夫靈公欲仕之逼不以禮有
迅風發屋丹入迴風中而去北方人尊而祠之

馬丹官晉

與時汗隆

事文去猷

顯沒不窮

窳網將設 從體迅風 杳然獨上 絕跡玄宮

平常生

穀城鄉平常生者不知何所人也數死復生時人以爲不然後大水出所害非一而平輒在欽門山頭大呼言平常生在此云復水雨五日必止今則上山求祠之但見平衣帔草帶後數十年復爲華陰門卒

穀城妙匹 誦達奇逸 出生入死 不恆其質

玄化忘形 遺賤奚恤 暫降塵汗 終騰雲室

陸通

陸通者云楚狂接輿也好養生食橐廬木實及蕪菁

接輿樂道 養性潛輝 見諷尼父 諭以鳳衰

網氣以和 存心以微 高步靈嶽 長嘯娥媚

葛由

葛由者卷人也周成王時好刻木羊賣之一且騎羊而入西蜀蜀中王侯貴人追之上緩山今山在娥媚山西南高無極也隨之者不復還皆得仙道故里諺曰得緩山一桃雖不得仙亦足以豪山下立祠數十處云

木可爲羊 羊亦可靈 靈在葛由 一致無徑

爰陟崇緩 舒翼揚聲 知術者仙 得桃者榮

江妃二女

江妃二女者不知何許人也出遊於江漢之湄逢鄭
交甫見而悅之不知其神人也謂其僕曰我欲下請
其佩僕曰此間之人皆習於辭不得恐羅悔焉交甫
不聽遂下與之言曰二女勞矣二女曰客子有勞妾
何勞之有交甫曰橘是抽也我盛之以筥令附漢水
將流而下我遵其傍採其芝而茹之以知吾為不遜
也願請子之佩二女曰橘是抽也我盛之以筥令附
漢水將流而下我遵其傍採其芝而茹之遂手解佩
與交甫兮悅受而懷之中當心趨去數十步視佩

空懷無佩顧二女忽然不見詩曰漢有游女不可求
思此之謂也

靈妃艷逸 時見江酒 麗服微步 流盼生姿

交甫遇之 憑情言私 鳴珮虛擲 絕影焉追

范蠡

范蠡字少伯徐人也事周師太公望好服桂飲水為
越大夫佐句踐破吳後乘輕舟入海變名姓適齊為
鴟夷子更後百餘年見於陶為陶朱君財累億萬號
陶朱公復棄之蘭陵賣蠶後人世世識見之云

范蠡御桂 心虛志遠 受業師望 載潛載院

龍見越鄉 功遂身返 脫屣千金 與道舒卷

琴高

琴高者趙人也以鼓琴為宋康王舍人行涓彭之術

浮遊冀州涿一作群之間二百餘年後辭入涿水中

取竈子與諸弟子期日皆潔齋待於水傍設祠果乘

赤鯉來出坐祠中且有萬人觀之晉一月餘復入水云

琴高晏子 司樂宋宮 離世孤逸 浮沉水中

出躍頰鱗 入藻清沖 是任水解 其樂無窮

冠先

冠先者宋人也以釣魚為業居睢水旁百餘年得魚

或放或賣或自食之常著冠帶好種荔枝食其葩實

焉宋景公問其道不告即殺之數十年踞宋城門鼓

琴數十日乃去宋人家奉祠焉

冠先惜道 術不虛傳 景公戮之 尸解神遷

歷載五十 撫琴來旋 夷侯宋門 暢意五絃

王子喬

王子喬者周靈王太子晉也好吹笙作鳳凰鳴遊伊

洛人間道士浮丘公接以上嵩高山三十餘年後來

之於山上見栢良曰告我家七月七日待我於緱氏

山巔至時果乘白鶴駐山頭望之不得到舉手謝時

人數月而去亦立祠於維火山下及嵩高首焉

妙哉王子神遊氣爽笙歌伊洛擬音鳳響

淳立感應接手保上揮策青崖假翰獨往

幼伯子

幼伯子者周蘇氏客也冬常著單衣暑著襦袴形貌

歲異後數十年更壯時人莫知世世來誠祐蘇氏子

孫得其福力也

周客戢容民跡泥盤夏服重纊冬振輕紈

作不替本義不獨安乃春周氏祐其難難

安期先生

安期先生者瑯琊阜鄉人也賣藥於東海邊時人皆

言千歲翁秦始皇東遊請見與語三日三夜賜金璧

度數千萬出於阜鄉亭皆置去留書以赤玉寫一量

為報曰後數年求我於蓬萊山始皇即遣使者徐市

盧生等數百人入海未至蓬萊山輒逢風波還立祠

阜鄉亭海邊十數十數處云

寥々安期虛質高清乘光適性保氣延生

聊悟崇始遺室阜亭將遊蓬萊絕影清冷

桂父

桂父者象林人也色黑而時時黃時赤南海人見

桂父者象林人也色黑而時時黃時赤南海人見

而尊車之常服桂及葵以龜腦和之千九十九有桂累
世見之今荊州之南尚有桂九焉

偉哉桂父

直遐畿

雲葵內潤

丹桂外綏

怡々柔顏

代々同輝

道播東南

奕世莫違

瑕丘仲

瑕丘仲者霤人也賣藥於霤百餘年人以爲壽矣地
動舍壞仲及里中數十家屋臨水皆敗仲死氏入取
仲尸棄水中收其藥賣之仲披裘而從詣之取藥棄
仲者懼叩頭求哀仲曰恨汝使人知我耳吾去矣後
爲夫餘胡王驛使復來至霤北方謂之謫仙人焉

瑕丘通玄

謫脫其跡

人死亦死

泛焉言情

邀步觀化

豈勞胡驛

苟不覩本

誰知其謫

酒容

酒容者梁市上酒家人也作酒常義而售日得萬錢
有過而邀之主人酒常醉敗窮貧梁市中賣人多以
女妻而迎之或去或來後百餘歲來爲梁丞使民益
種羊萊曰三年當大飢卒如其言梁民不死五年解
印綬去莫知所終焉

酒容蕭絳

奇治梁賦

何以標異

醇醴殊味

屈身佐特

民用不匱

解綬晨征

莫知所華

任光者上蔡人也善餌丹賣於都市里閭積八十九年乃知是胡時任光也皆說如數十歲面顏後長老識之趙簡子聘與俱歸常在柏椽山上三世下知所在晉人常服其丹也

上蔡任光 能鍊神丹 年涉期頤 擘肅朱顏

項適趙子 縱任所安 外軌柏椽 高飛雲端

蕭史

蕭史者秦繆公時人也善吹蕭能致孔雀白鶴於庭繆公有女字弄玉好之公遂以女妻焉曰教弄玉作

鳳鳴居數年吹似鳳聲鳳凰來上其屋公為作鳳臺夫婦上其上不下數年一旦皆隨鳳凰飛去故秦人為作鳳女祠於雍宮中時有蕭聲而已

蕭史妙吹 鳳雀舞庭 羸氏好合 乃習鳳聲

遂攀鳳翼 參翫高冥 女祠寄想 遺音載清

祝雞翁

祝雞翁者洛人也居尸鄉北山下養雞百餘年雞有千餘頭皆立名字暮棲樹上晝放散之欲引呼名即依呼而至賣雞及子得千餘萬輒置錢去之吳作養魚池後升吳山白鶴孔雀數百常止其傍云

人禽雖殊

道固用關

祝翁傍通

牧雞寄驩

育鱗道洽

樓雞樹端

物之致化

施而不刊

朱仲

朱仲者會稽人也常於會稽市上販珠高后特下書募三寸珠仲讀購書笑曰直值汝矣齊三寸珠詣闕上書殊好過度即賜五百金魯元公主復私以七白金從仲求珠獻四寸珠送置於闕即去下書會稽徵聘不知所在景帝時復來獻三寸珠數十枚輒去不知所之云

朱仲無欲

聊寄買商

俯窺驪龍

捫此夜光

發跡會稽

矐奇咸陽

施而不德

歷世彌彰

脩羊公

脩羊公者魏人也在華陰山上石室中懸石搗卧其上石畫穿陷略不食時取黃精食之後以道干景帝帝禮之使止王邸中數歲道不可得有詔問脩羊公能何日發語未訖床上化為白石羊題其脇曰脩羊公謝天子後置石羊於靈臺土羊後復去不知所在卓矣脩羊 韜奇含靈 枕石太華 餐茹黃精 漢札雖隆 道非所經 應變多質 忽爾隱形 稷丘君

朱仲無欲

朱仲無欲

稷丘君者太山下道士也武帝時以道術受賞賜髮
白再黑齒落更生後罷去上東處太山稷丘君乃冠
章甫衣黃衣擁琴來迎拜武指帝階下勿上也上必
傷足指及數里左足指泉拊上諱之故但祠而還為
稷丘君立祠焉為稷承奉之云

稷丘洞徹 修道靈山 鍊形濯質 變白還年
漢武行幸 攜琴來延 戒以外陟 遂觀未然

崔文子

崔文子者太山人也文子世好黃老事居潛山下後
作黃散赤丸成石父祠賣藥都市自言二百歲後有

疫氣民死者萬計長吏之文所請救文擁朱幡繫黃
散以徇人門飲散者即愈所活者萬計後去在蜀賣
黃散故世室崔文赤丸黃散實近於神焉

崔子得道 術兼秘奧 氣癘降喪 仁心收悼
朱幡電蹙 神藥捷到 一時獲全 求世作効

例仙傳卷上終

仙傳卷下
漢光祿大夫劉向撰

例仙傳卷下

漢光祿大夫劉向撰

赤須子

赤須子豐人也豐中傳世見之云蔡穉公特主魚吏也數道豐界災害水旱十不失一臣下皈向迎而師之從受業問所長好食松實天門冬石脂菌落更生髮隨再出服霞絕後遂去吳山下十餘年莫知所之

赤須去豐

爰熊具山

三藥並御

朽貌再鮮

空往師之

而無使延

頗門小智

豈識巨年

東方朔

東方朔者平原厭次人也又在吳中為書師數十年

武帝時上書說便宜拜為郎至昭帝時今人或謂聖
人或謂九人作深淺顯默之行或忠言或戲語莫知
其旨至宣帝初棄即以避世置憤官舍風飄之而去
後見於曾稽賈藥五湖智在疑其歲星精也

東方奇達 混同時俗 一竈一蛇 豈祿榮辱

高韻仲霄 不羈不束 沉跡五湖 騰影暘谷

鈞翼夫人

鈞翼夫人者齊人也姓趙少時好清淨病卧六年右
午奉屈飲食少望氣者云東北有貴人氣推而得之
召到姿色甚偉武帝披其手得一玉鈞而手尋展遂

幸而生昭帝後武帝害之殞尸冷而香一月間後昭
帝即位更葬之棺內但有絲履故名其宮曰鈞翼後
避諱改為戈廟園有神祠閣在焉

婉兮弱媛 廟符援鈞 誕育嘉嗣 皇祚惟休

武之不達 背德致仇 委身受戮 尸滅芳流

犢子

犢子者鄴人也少在黑山採松子茯苓餌而服之且
數百年時壯時老時好時醜時人乃知其仙人也常
過酤酒陽都家陽都女者市中酤酒家女眉生而連
耳細而長衆以為異皆言此天人也會犢子牽一黃

犢來過都女悅之遂留相奉侍都女隨犢子出取桃李一宿而返皆連兜耳茂邑中隨伺逐之出門共牽犢耳而走人不能追也且還復在市中數十年乃去見潘山下冬賣桃李云

犢子山棲

採松餌苓

妙氣充內

變白易形

陽氏奇表

數合理冥

乃控靈犢

條若電征

騎龍鳴

騎龍鳴者渾亭人也年二十於池中求得龍子狀如守宮者十餘頭養食草結廬而守之龍長大稍小而去後五十餘年水壞其廬而去一旦騎龍來渾亭下

語曰馮伯昌孫也此間人不去五百里必當死信者皆去不信者以為扶至八月果水至死者萬計

騎鳴養龍

結廬虛池

壽至俟化

乘雲翫蟻

紆轡故鄉

告以速移

洞鏡災祥

情春不離

主柱

主柱者不知何所人也與道士共上岩上言此有丹砂可得數萬斤岩山長吏知而上山封之砂流出飛如火乃聽柱取為邑令章君明餌砂三年得神砂飛聖服之五年能飛行遂與柱俱去云

主柱洞窺

道士精徹

玄感通山

丹砂出穴

癸七流丹 飄々飛雪 岩長悟之 終然同悅

園客

園客者濟陰人也姿貌好而性良邑人多以女妻之客終不取常種五色承草積數十年食其實一旦有五色蠶止其承樹末客收而薦之以布生桑蠶焉至蠶時有好女夜至自櫛客妻道蠶狀客與俱收蠶得百二十頭蠶皆如甕大繅一蠶六十日始盡訖則俱去莫知所在故濟陰人世祠桑蠶設祠堂焉或云陳留濟陽氏

羨哉園客 頽擘朝華 仰吸玄精 俯拮五葩

馥々芳卉 采々文蛾 淑女宵降 配德外遐

鹿皮公

鹿皮公者淄川人也少為府小吏木工舉于能成器械岑山上有神泉人不能至也小吏白府君請木工斤斧三十人作轉輪懸閣意思橫生數十日梯道四間成上其巔作祠舍留止其旁絕其二間以自固食芝草飲神泉且七十年溜水來三下呼宗族家室得六十餘人令上山半水盡漂一郡没者萬計小吏乃辭遣宗家令下山著鹿皮衣遂去復上閣後百餘年下賣藥於市



皮公興思 妙巧纏錦 飛閣懸趣 止挹神泉

肅々清廟 惜々二間 叮以閑處 可以永年

昌容

昌容者常山道人也自稱殷王女食蓬蘽根往來上下見之者二百餘年而顏色如二十許人能致紫草賣與涂家得錢以遺孤寡歷世而然奉祠者萬計殷殷女忘榮 曾無遺變 怡我柔顏 改華標倩 心與化遷 日與氣鍊 坐卧奇貨 惠及孤賤

雞父

雞父者南郡鄘人也居山間有仙人常上其家從買

瓜散之鍊瓜子與桂附子並實共藏而對分食之二十餘年能飛走昇山入水後百餘年居絕山頂呼谿下父老與道平生特事云

雞父何欲 欲在幽谷 下臨清澗 上翳委

仙客舍之 導以秘籙 形絕埃壘 心在旧俗

山圖

山圖者隴西人也少好乘馬々蹋之折脚山中道人教令服地黃當故差活獨活苦參散服之一歲而不嗜食病愈身輕追道士問之自言五嶽使之名山採藥能隨吾使汝不死山圖追隨之六十餘年一旦歸

來行母服於家間暮年復去莫知所之
山圖抱患 因毀致全 受氣使身 藥輕命延
寫哀墳柏 天受猶纏 數周高舉 永絕俗緣
谷春 谷春者櫟陽人也成帝時為郎病死而屍不冷家發
喪行服猶不敢下釘三年更著冠憤坐懸門上邑中
人大驚家人迎之不肯隨發棺有衣無屍留門上
三宿去之長安止橫門上人知道迎之復去之太白
山立祠於山上時來至其祠中宿焉
谷春既死 停屍猶濕 棺闔五稔 端委於門

顧視空柩 形逝衣存 留軌太白 納氣玄根

陰生

陰生者長安中渭橋下乞兒也常上於市中乞市人
厭苦以糞灑之旋復在里中衣不見汗如故長吏知
之械收繫著桎梏而續在市中乞又械欲殺之乃去
灑者之家室自壞殺十餘人故長安中謠曰見乞兒
與羨酒以免破屋之咎

陰生乞兒 人厭其黷 識真者稀 累見曰辱

淮陰忘客 沉我仙屬 惡肆殃及 自災其屋

毛女

毛女者字玉薑在華陰山中獵師世不見之形躡生
毛自言秦始皇宮人也秦壞流亡入山避難遇道士
谷春教食松葉遂不饑寒身輕如飛百七十餘年所
止巖中有鼓琴聲云

婉孌玉薑 與時遁逸 真人授方 餐松秀實
日敗獲成 延命深吉 得意巖岫 寄懽琴瑟

子英

子英者舒鄉人也善入水捕魚得赤鯉愛其色好持
飯著池中數以米穀食之一年長丈餘遂生角有翅
翼子英怪異拜謝之魚言我來迎汝今上背與汝俱

昇天即大雨子英上其魚背騰昇而去歲來飯故
舍食飲見妻子魚復來迎之如此七十年故具中門
戶皆作神魚遂立子英祠云

子英樂水

游捕為職

鱗鱗來赴

有煒厥色

養之長之

挺角傳翼

遂駕雲螭

超步太極

服間

服間者不知何所人也常止苜往來海邊諸祠中有
三仙人於祠中博賭瓜顧間令擔令黃白瓜數十頭
教令瞑目及覺乃在方丈山在蓬萊山南後往來苜
取方丈山上珍室珠玉賣之及今一旦髡頭著緇衣

貌更老人問之言坐取廟中物云後數年貌更壯好
鬢髮如往日時矣

服間游祠 三山是使 假寐須臾 忽超千里
納室毀形 未足多耻 攀龍附鳳 趙遙終始

文賓

文賓者太丘鄉人也賣草履為業教取嫗數十年輒
棄之後特故嫗壽老年九十餘續見賓年更壯他時
嫗拜賓涕泣賓謝曰不宣至正月朝僕能會鄉亭西
社中邪嫗老夜從兒孫行十餘里坐社中待之須臾
賓到大驚汝好道邪知汝爾前不去汝也教令服菊

花地膚藥上寄生松子取以益氣嫗亦更壯復百餘
年見云

文賓養生 納氣玄虛 松菊代御 鍊質鮮膚

故妻好道 拜泣知躡 引過告術 延齡百餘

商丘子等

商丘子胥者高邑人也好牧豕吹竽年七十不娶婦
而不老邑人多奇之從受道問其要言但食求葛蒲
根飲水不饑不老如此傳世見之二百餘年貴戚富
室聞之取而服之不能終歲輒止墮慢矣謂將復有
匿術也

商丘幽棲

韞櫝妙術

渴引寒泉

饑茹蒲求

吹竽牧豕

卓犖奇出

道足無求

樂茲求日

子主

子主者楚語而納音不知何所人也詣江都王自言
竈先生崔我作客三百年不得作直以為狂人也問
先生所在云在龍眉山上王遣吏將上龍眉山巔見
竈先生毛身廣耳被髮鼓琴主見之叩頭吏致王命
先主曰此主吾比舍九世孫且念汝家當有暴死女
子三人勿預吾事語竟大風發吏走下山比服官中
相殺三人王遣三牲立祠焉

子主擬年

理有所資

竈主祠秀

附琴竈有

以道相符

當與訟微

臣事竭力

問昭我師

陶安公

陶安公者六安鑄冶師也數行火術不一且散上行
紫色衝天安公伏冶下求哀須臾朱萑止冶上曰安
公安公治與天通七月七日迎汝以赤龍至期赤龍
到大雨而安公騎之東南上一城邑數萬人眾共送
視之皆與詳決云

安公從火

紫炎洞照

翻个朱萑

銜信告時

奕个朱虬

蜿蜒赴期

傾城仰觀

迴首顧辭

赤斧

赤斧者巴戎人也為碧雞祠主簿能作水與汞同頤
玉篇水銀也頤鍊丹與消石服之三十年反如童子
毛髮生皆赤後數十年上華山取禹餘糧餌賣之於
蒼梧湘江間累世傳見之手掌中有赤斧焉

赤斧頤真

發秀戎巴

寓跡神祠

頤鍊丹砂

髮雖生黠

頤擘丹葩

采藥靈山

觀化南遊

呼子先

呼子先者漢中關下卜師也老壽百餘歲臨去呼酒
家老嫗曰急裝當與嫗共應中陵王夜有仙人持二

弟狗來主呼子先子先持一與酒家嫗得而騎之力
龜也上華陰山常於山上大呼言子先酒家母在此

三靈潛感

應若符契

方駕弟狗

燒爾龍逝

參登太華

自稱應世

事君不端

會之有惠

負局先生

負局先生者不知何許人也語似燕代間人常負磨
鏡局徇市中銜磨鏡一錢日磨之輒問主人得無
有疾苦者輒出紫丸藥以與之得者莫不愈如此數
十年後大疫病家至戶到與藥活者萬計不取一錢

吳人乃知其真人也後主昇山絕崖頭懸藥下與人
將欲去時語下人曰吾還蓬萊山為汝曹下神水崖
頭一旦有水白色流從石間來下服之多愈疾立祠
十餘

負局神湍 披褐含秀 術兼和散 心託宇宙
引彼萊泉 灌此絕岫 欲返蓬山 以齊天壽

朱璜

朱璜者廣陵人也少病毒癢就睢山上道士阮丘
憐之言鄉除腹中三屍有真人之業可度教也璜曰
病愈當為君作容三十年不敢自還仁與璜七物藥

日服九九百日病下如肝解者教斗養之數十日肥
健心意日更開朗與老君黃庭經令讀三過誦之
能思其意仁遂與璜俱入浮陽山玉女祠且八十年
復見故處白髮盡黑鬢更長三尺餘過家食止數年
復去如此至武帝末故在焉

朱璜癢癢 福祚相迎 真人投藥 三屍俱靈
心虛神瑩 騰翮幽冥 毛頰髮黑 超然長生
黃阮丘

黃阮丘者睢山上道士也衣裘被髮耳長七寸口中
無齒日行四百里於山上種葱薤百餘年人不知也

時下賣藥朱璜發明之乃知其神人也地動山崩道
絕預戒下人世共奉祠之

葱藟巖嶺 實擣若人 被裘散髮 輕步絕倫

舍道養生 妙觀通神 發驗朱璜 吉徧下民

朱女丸

女丸者陳市上酤酒婦人也作酒常羨遇仙人過其
家飲酒以素書五卷為質丸開視其書乃養性交接
之術丸私寫其文要更設房室納諸年少飲羨酒與
止宿行文書之法如此三十年顏色更如二十持仙
人數歲復來過笑謂丸曰盜道無師有翅不飛遂棄

家追仙人去莫知所之曰

玄素有要 近取諸身 彭聃得之 五卷以陳

女丸蘊妙 仙容來臻 傾書閨引 雙飛絕塵

陵陽子明

陵陽子明者涇鄉人也好釣魚於旋溪釣得白黿子
明懼解鈎拜而放之後得白魚腹中有書教子明服
食之法子明遂上黃山採五石脂沸水而服之三年
龍來迎去止陵陽山上百餘年山去地千餘丈大呼
下人令上山半告言谿中子安當來問子明釣車在
否後二十餘年子安死人取葬石山下有黃鶴來棲

其塚邊樹上嗚呼平安云

陵陽垂釣 白龍御釣 終獲瑞魚 靈迹是修

五石溉水 騰山乘虬 子安果沒 鳴鶴何求

邦子

邦子者自言蜀人也好放犬子時有犬走入山穴邦子隨入十餘宿行度數百里上出山頭上有帶殿官府青松樹森然仙吏侍衛甚嚴見故婦主洗魚與邦子符一函并藥便使還與成都令橋君令發函有魚子也著池中養之一年皆為龍形復送符還山上犬色更赤有長翰常隨邦子往來百餘年遂留止山

上持下來護其宗族蜀人立祠於穴口常有鼓吹傳呼聲西南數千里共奉祠焉

邦子尋犬 宕入仙穴 館閣裁令 青松列令

受符傳藥 往來交結 遂樓靈岑 音響昭徹

木羽

木羽者鉅鹿南和平鄉人也母貧賤主助產嘗探產鄉兒生便開目視母大笑其母大怖夜夢見冠赤犢者守兒言此司命君也當報汝恩使汝子木羽得仙母陰信識之母後生兒字之為木羽所探兒生年十五夜有車馬來迎去遂過母家呼木羽令為我御


來遂俱去後二十餘年觀菴且銜二尺魚著母尸上
母匿不道而賣其魚三十年乃沒去母至百年乃終
司命擬靈石產母震驚乃要報子七契定未成
道足三五日輕軀霄迎終然報德久乃遐齡
玄俗者自言河間人也餌巴豆賣藥都市七九一錢
治百病河間王病瘵買藥服之下蛇十餘頭問藥意
俗云王瘵乃六世餘殃下墮即非王所招也王常放
乳鹿麟母也仁心感天故當遭俗耳王家老舍人自
言父世見俗人形無影王乃呼俗日中有實無影王

欲以女配之俗夜亡去後人見於常山下
質虛影滅時惟玄俗布德神丸乃寄鹿贖
道發河間親寵方渥騰龍不制超然絕足
讚曰易稱大極是生兩義兩義生然後有人民有人
民然後有生死生死之義著明矣蓋萬物絕張渾爾
而就亦無所不備焉神矣妙矣精矣微矣其事不可
得一一論也程人仰則觀象於天俯則觀法於地日
月運行四時分治五星受制於太微監無道之國吉
凶預見以戒王者動靜言語應効相通有自來矣天
然雖不言其變化云為不可謂之無也周書序彞蟠

問滄子曰有死亡而復云有神仙者事兩成邪滄子
曰言固可兩有耳孝經援神契言不過天地造靈洞
虛猶立五嶽設三台陽精主外陰精主內精氣上下
經緯人物道治非一若夫草木皆春生秋落必矣而
亦有松柏樞之倫百八十餘種草有芝英萍實靈
沼黃精白符竹翠戒火長生不死者萬數盛冬之時
經霜歷雪蔚而不彫見斯其類也何恠於有仙邪余
嘗得蔡大夫阮倉撰仙圖自六代迄今有七百餘人
始皇好遊仙之事鹿幾有獲故方士霧集所祀彌布
殆必因迹託虛寄空為實不可信用也若周公黃錄

記太白下為王公然歲星變為竈壽公等所見非一
家聖人所以不開其事者以其無常然雖有時著蓋
道不可棄距而閉之尚真正也而論語云侂力亂神
其微肯可知矣

列仙傳終



外傳

三十一

<p>三十一</p>	<p>外傳</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	-----------	------------	------------	------------	------------	------------	------------	------------

